

開縣李尙書政書卷五

山西書

遵查藩司居官情形疏

奏爲遵

旨查明藩司居官實情恭摺仰祈

聖鑒事竊

臣

六月

陛辭時欽奉

聖諭汝到山西藩司須要察看同日又承准軍機王大臣
傳

旨敕查藩司胡大任居官情形據實覆奏等因欽此

臣抵

任後遵卽留心察看兼訪輿論該藩司心地尙厚才具稍平在任三年迄無建樹平時以飲酒自娛僚屬或經旬不見且年逾六十精神較短遇事健忘凡於地方利弊州縣賢否祇能略言其概究未了然於心雖無貪婪情事而廢弛因循亦所不免晉省山多田少所產米豆不敷民食故栽植罌粟向例禁止該藩司上年倡議弛禁以致物論沸騰聲名之減大率由此所有遵查藩司居官緣由理合據實覆陳伏乞

皇太后

皇上聖鑒謹 奏

查看河防片

再臣於到任後當將署臬司李慶翺馳往省南招募晉勇
佈置冬防情形由驛馳奏在案惟近接探報陝甘獮匪盤
踞甯靈時出邊外滋擾雖經張曜等軍跟蹤截剿疊獲勝
仗而該逆飄忽靡定草地路徑紛歧轉瞬冬令黃河結冰
難保不繞越東趨窺伺河保該處僅留紫精銳忠字兩營
是否足敷堵禦邊牆安設卡壘是否一律堅牢必須躬親
履勘相度布置始有把握臣於八月十二日出省馳赴河
保一帶察看情形如果勇力單薄或應添兵協防或仍募
勇填紮俟有端倪再行馳陳合將微臣出省查勘河保緣由

附片陳明伏乞

聖鑒謹

奏

籌辦河防疏

奏爲籌商河防並添募晉勇情形恭摺仰祈

聖鑒事竊

臣

於本年六月二十六日在直隸途次欽奉

寄諭晉省沿河要隘近接陝疆甘猶未平河防仍須籌辦
卽著該署撫鄭敦謹於李宗義抵任時彼此籌商務臻嚴
密現在楚勇旣撤兵力尙單自應添募可靠勇丁分段填
紮李宗義抵晉後著卽督同李慶翱妥爲辦理該撫身荷
厚恩於該省吏治民生及籌防籌餉各事宜務當斟酌盡
善以副委任等因欽此伏思晉省當務之急首在河防臣
抵任後查已革臬司陳湜所部十七營均已遣撤回楚沿

開縣李伯書疏 卷五 三
河一帶經前署撫臣鄭敦謹照會太原鎮總兵王巨孝派

帶南鎮官兵一千六百餘名暫行填紮河保等處並留精

銳忠字兩營防守水師十一營仍駐河津下游又劃河防

爲三段奏派王巨孝及大同鎮總兵馬陞署臬司李慶翱

分段督防極意經營布置頗爲周備夫軍旅之事瞬息千

變以目前而論陝境漸就肅清晉省西路邊防較前似鬆

第陝北沙漠之地獮匪出沒靡定設各路大兵跟蹤追剿

該匪窮蹙紛竄則晉省隨處可通誠不能不添募兵勇爲

思患豫防之計所難者庫款支絀招集多營又恐將來餉

缺兵譁無以善後臣前經會同前署撫臣鄭敦謹並與署

臬司李慶翱連日籌商總期兵力足資防勦餉項仍歸樽節茲將議辦各情謹爲縷晰陳之南路自禹門以下有水師十一營憑河堵禦當可得力其永甯甯鄉石樓永和太甯五州縣結冰時少有兵防守亦難飛渡惟自吉州之龍王廸以迄河津之禹門渡每屆冬令冰結成橋若不多集勁勇列營駐守設有疎虞所關非細現已督同署臬司李慶翱嚴飭營官閻文忠呼延霖趕緊招募晉勇四千名立爲八營限八月內成軍並調河東練勇二百名作爲李慶翱衛隊在吉鄉河津之間分段擇要駐紮該署臬司定於本月二十六日前赴防所以便就近布置此河防之下段

情形也中段則興臨等處河面寬廣水勢暢流卽結冰亦難堅久仍令王巨孝統帶南鎮官兵一千六百名憑壘固守勿任逆匪偷渡如果有警臨時酌增官兵並令事事與李慶翱商酌辦理綠營額餉本微現議每兵除應得額餉外每日加給銀八分以示體恤此河防中段情形也北路河保等處尤關緊要自河曲沔陽渡以北冬結堅冰至次年清明始解現止留精銳忠字兩營卽輔以大同官兵一千二百人亦恐難敷分布且張曜早經前進全恃宋慶一軍作爲河西屏蔽屆時視賊所向應否添調兵勇以資堵禦由臣察看情形再行辦理此河防上段情形也八月以

後臣當照會馬陞王巨孝兩總兵常川駐紮防所俾專責

成至沿河險要上年均經陳湜起築石壘臣現檄飭地方

官及各營官趁此閒暇之時一律修補完固庶幾以逸待

勞有所憑藉口外地方則仍歸綏遠城將軍臣定安就近

相機酌辦以一事權惟是晉省籌餉難於籌兵此時河防

軍餉月計將近五萬兩籌放已形竭蹶若再添募兵勇更

覺不敷才輕任重時用兢兢若夫吏治民生臣分所當爲

責無旁貸敢不竭盡駑鈍以冀仰答

鴻恩所有籌商河防以及新募晉勇各緣由理合由四百

里恭摺馳陳伏乞

皇太后

皇上聖鑒訓示謹

奏

晉勇成軍片

再^臣前因已革臬司陳湜所部十七營均已遣撤歸楚沿河一帶兵力單薄當將籌商河防並添募晉勇情形由驛馳奏嗣奉

寄諭飭令趕募晉勇四千名於八月內成軍等因欽此當卽轉飭署臬司李慶翱欽遵辦理去後茲據署臬司李慶翱詳稱遵卽咨行總兵閻文忠呼延霖在於蒲絳一帶各募壯丁一千名編立四營定營號曰觀師益豫又札署平陽府知府卓熙泰在於平陽一帶招募壯丁二千名編立四營定營號曰豐泰咸升於八月十二至二十六等日已

將八營勇丁招募足額一律訓練成軍卽經該署臬司李
慶翺馳往各營逐加點驗均係本省土著年力精壯素無
嗜好且各有承保之人並無外省游勇客民及老弱疲輓
充數至各營旣已成軍尤須慎選營官勤加訓練方能得
力復經該署司在於實缺候補候選各將官內悉心訪求
逐加遴選查有記名總兵敢勇巴圖魯閻文忠堪以管帶
觀字營記名總兵承勇巴圖魯呼延霖堪以管帶師字營
總兵銜儘先用副將胥榮富堪以管帶益字營仍歸閻文
忠統帶都司銜遇缺卽補衛守備黃占鰲堪以管帶豫字
營仍歸呼延霖統帶儘先題奏總兵銳勇巴圖魯沈茂勝

堪以管帶豐字營總兵銜四川補用副將徐鼎榮堪以管帶泰字營候補游擊常國興堪以管帶咸字營副將銜太原營參將怡壽堪以管帶升字營該將等或籍隸晉南或久官晉省或曾帶水師駐守河干或前在晉省帶勇有年皆係果敢樸誠實心任事派令分營管帶均克勝任各等情先後詳請具奏前來

臣

當飭令該將等督飭各哨官認真朝夕訓練務使技藝精專於進退疾徐之法逐漸嫻熟以求一勇得一勇之用庶幾餉不虛糜冬防稍有把握現已操練純熟酌定地段遣往西河分段填紮除飭造具勇丁花名清冊詳送核辦外理合將新募晉勇四千名於八

月內成軍並派定營官管帶各緣由附片陳明伏乞

聖鑒謹

奏

覆奏郭寶昌來晉聽候調遣片

再^臣於同治八年十月初七日欽奉

寄諭現在甘肅北路猖匪雖經劉松山等追勦獲勝難保該逆不乘間東竄著左宗棠卽飭郭寶昌酌帶親兵前赴山西聽候李宗義調遣等因欽此仰見

聖謨廣運垂念晉防莫名悚感竊思晉省河務雖經布置已定現屆冰橋堅結防範誠宜加嚴茲蒙

敕令郭寶昌前來協防自益穩固當經^臣咨行在案茲據

該鎮函稱前由韓城拔赴綏德正在購買牲畜運糧前進適接左宗棠咨錄

諭旨飭赴晉防是否先期來晉布置等語臣伏思郭寶昌大隊已拔赴花馬池轉運軍糧事關緊要當覆以此時晉邊無警該鎮旣在綏德料理運糧距晉不遠萬一賊或東趨晉防喫緊卽當咨調該鎮酌帶親兵前來協守以仰副聖主眷念河防之至意理合附片覆陳伏乞聖鑒謹

奏